

## DUJE PARAVISE

Duje vecchie professure 'e cuncertino, nu juorno, nun avevano che fá.

Sol La Re7 Sol

Pigliájeno 'a chitarra e 'o mandulino e, 'nParaviso, jèttero a suná:

Sol La Re7 Sol

- Ttuppe-ttù... - "San Pié', arapite!... ve vulimmo divertí!..."

La7

"Site 'e Napule?! Trasite! e facitece sentí!..."

Re La7 Re7

"V'avimm" a fá sentí doje, tre canzone, ca tutt"o Paraviso ha da cantá:

Sol Sol/Fa# Sol/Fa Mi7 La7 Re7 Sol

Suspire 'e vase... Museca 'e passione... Rrobba ca sulo a Napule se fa...

Mi7 La7 Re7 Sol

E 'a sera, 'nParaviso, se sunaje  
e tutt"e Sante jèttero a sentí...

'O repertorio nun ferneva maje:

"Carmela, 'o Sole mio, Maria Marí!..."

"Ah, San Pié', chesti ccanzone,  
sulo Napule 'e ppò fá...

arapite stu barcone:

'A sentite 'sta città?..."

E, sott"o sole e 'a luna, vuje sentite  
sti vvoce, ca só' voce 'e giuventù...

Si po' scennite llá, nun 'o ccredite?!

Vuje, 'nParaviso, nun turnate cchiù!..."

Ma, doppo poco, da 'a malincunía

'e vecchie se sentettero 'e pigliá:

Suffrévano nu poco 'e nustalgía

e, a Napule, vulèttero turná:

"Mo, San Pié', si permettite,

nuje v'avimm" a salutá!..."

"Site pazze! Che dicite?

Nun vulite restá ccá?!..."

"Nuje simmo 'e nu paese bello e caro

ca tutto tène e nun se fa lassá:

Pusilleco, Surriento, Marechiaro...

'O Paraviso nuosto è chillu llá!"

